

四庫全書

集部

欽定四庫全書

弇州四部稿卷三十二

明 王世貞 撰

詩部

五言排律五十九首

送姜僉憲始分省江西

萬庾教倉粟千帆下瀨兵
伊誰任保障南北一書生
命豈馮唐晚恩元介子輕
拮据雙鬢在留滯寸心明
金紫

當年物丹青異日名除書厯下里襤被斗邊城家接三
江近人如九派清還逢獄中劍拂拭請長纓

新樂端惠王輓詩一首

帝紀年元狩先王建社初地分齊渤海親比漢朱虛壁
有先賢籍門多處士車蛟龍一夕變雞犬亦無餘明月
空丹輦流雲自綺疏猶聞劉向在能讀枕中書

聞島寇警有感因呈兵憲王使君

烽火年年是乾坤處處殘倉皇趨白羽瀕洞及黃冠忽

改汾陽色知登漢將壇天橫須慮

海舟也見越絕書

合月上庵

廬

軍營也見揚雄賦

寒劒客雄爭奮兵符靜不譴揮鞭畫吳海

飛捷動長安名已丹青刻囊母赤白看漁樵吾計晚戈

甲此身難籌策須時定農耕稍自寬好將銃吹曲來奏

栢臺端

寄張見父

萬事俱不作終年恒論詩伯氏既以屈汝詩欲何為清
淮破白後上蔡飛蒼時兄酬復弟勸吹塤還和箎片語

不孤賞焉用他人知

其二

吳下忝兩陸汝南推二陳
毋論青雲器各致白雪身
五馬驅駢駛雙鴻散逡巡
晉楚齊秦匹東西南北人
何當一杯酒相嚮和陽春

過子與二十韵

汝官今復罷吾晚欲看誰
一棹滄江色孤城落木時
應門權競發倒屣喚猶遲
青眼窮交甚蒼頭夙嗜知
芥茶

雲入筥渚稻雪分匙軟剝迎霜粟纖供裛露葵鹿寒紅
玉肪魴鱠白銀絲畫燭雙頻換清尊百不辭坐移難辨
客談勝各相師遠漏寒聲短疎櫺曙影窺凌兢追往事
飛動及新詩天欲人才盡身仍我輩私總無慚鳳德應
不悔蛾眉野服安羣態時名舍衆疑酒徒殊未少醉尉
爾何為有盛丞者
欲相要老厭乾坤束歸憑日月欺浮雲輕劍
袂返路有塤箎好展求羊徑重為嵇呂期此生唯闕健
得句莫傷離長揖苕溪畔茫茫信所之

哭徐汝思憲副十韻

平原公子道冰雪見追尋

已未之變別君德州

我自愁梁獄君能

操越吟古今成握手天地各抽簪急難朋情露艱虞物

態侵一官身併擲萬卷恨俱沈病但憐埋玉窮誰問鏢

金芰荷辭世早蘿薜畏人深風鬱銅川色雲橫石室陰

烟波遲執紼山水悵知音未有延陵劍空餘國士心

書懷

欲詢歸後況高枕即生涯懶入時情甚衰從物態加浮

蹤付蕉鹿宿病笑弓蛇酒漸輸中戶詩仍諱大家寬心
籬外鷦鷯寄恨井中蛙星斗終何預江湖敢自誇畏稱徵
士柳羞種故侯瓜不齒交游盡何顏歲月賒榮名真嚼
蠟脊屬似搏沙唯有空王觀能消夢裏花

賦得雙紗屏十韻

雲母翳槐席火齊列延清詎若茲屏麗湛湛復盈盈織
從鮫手細畫出虎頭精含霧花如笑棲烟鳥欲驚蠅令
仲謀誤牛作武秋鳴玉魄壺堪濯水神鏡轉明窺粧却

月豔障舞避風輕清芬晝不隔澄暉夕未傾星流帝女
製池奪影娥名自有淮王賦春光甲漢京

王明佐北歸頗責買山之資因述長句二十四韻
凡二百四十言

王生裂繻後西行入咸陽使氣平津邸縱橫劇孟場一
朝頓錯莫萬事皆摧藏下客彈劍缺羣臣和栢梁方朔
饑欲死次公醒而狂頗自誇鸚鵡徒能惜鸛鷖時時傍
黃射卒卒付陽昌因爾動秋興翻然歸故鄉華門棲倦

雀蓬室掩寒蛩長統無樂志安仁有悼亡虛開蔣詡徑
誰拜龐公牀牀醺寒自老徑跡雨仍荒羞澁囊中玉牢
騷鏡裏霜筆花還夢奪詞草欲愁忘項領早暮變襟裾
歲月長何人借顏色何地著文章昔忝秋卿署論交燕
市傍眼底互青白舌在各雌黃兩奇不相下衆咻安得
詳微官成棄置歸色闔淒涼自乏監河粟難容剡下裝
余誠愧公業爾誤許君房鮒轍沾雖易蝸涎割更妨感
恩與知己天地漸茫茫

送張幼于扶持還越舅家因檀施諸寺

寧親為令子似舅即賢甥我有王維句重貽張仲行玉
看家宅相花作板輿程峰色兩高紫松陰九里清忘憂
行際草惜別夢中荆鉅實施貧域篋金引化城莫深慈
母慮斟酌錦囊輕

贈崑山何丞之靖江國官

一尊從父老握手吳江湄舊讀何侯傳能貽官後思莫
尋陶令興便托去來辭客席今虛左王門儘自宜賦高

梁苑雪花滿鬱林枝卧看馳驅者應言漢使卑

奉送子敬宗兄之建寧司理因簡明卿邵武

大令吾宗彥風流今在君八蠶清轉勵五馬重仍瘡
色憑驄破鄉書與鴈聞名題峴山月詩憶幔亭雲獄吏
愁丹筆門人惜練裙如逢郢中客何以結殷勤

夜宿天池雨歸作

石榻夢能淺偶然甘雨零亂烟縈處合幽梵坐來停薛
挂疑相媚松眠乍欲醒遙淙鬪飛白斷壁吐空青澗發

琴中水池添鏡裏星破萍龜浴甲綴草鶴梳翎步步堪
迴屐時時忽建瓴肯分香積飯十日代翻經

月夜天池上方作

天池此夜月迴彩映諸天忽自牟尼捧如從象罔懸千
林青瑣碎一澗碧潺湲峰奪五湖色城嘯萬井烟靜聞
僧偈悅深現佛燈圓玉借蓮花頂金添貝葉編獨棲成
水觀小坐息塵緣何處生公石殘更又管絃

卧病掩關即事有感示友人

三旬不冠櫛始可稱閒居衰至頗知疾懶來兼廢書悠然紫薇靜時見白雲舒稚子爭為傲窮交也自疎卿應用卿法吾亦愛吾廬雞黍從耕有鶯花逐夢除子桑今自得泄柳古何如莫作時名擬身拚齒頰餘

答贈戚都督二十韻

十年纏殺氣閩海欲沈淪自展風雲略因窺天地仁一
食思報主百戰肯謀身寶劍酬心熱錢刀結俠貧擣批
期盡敵跳蕩不無神續挾單言轉醪投萬念均昆陽愁

虎豹充國讓麒麟夢協非熊久恩看錫馬頻重茅頒節
鉞雙綬綰金銀日月寬南顧星河捧北辰耳聞鈴閣暇
手寫道經新餘力開文苑孤懷寄酒人忽來鴻鴈色乍
與薜蘿春縞紵鄉仍貴瓊瑤報未真病餘疑管鮑意外
得雷陳已鍛搏焱翼誰沾涸轍鱗千秋空在掌五嶽自
為隣筐篚慚宗測壺歌憶祭遵幾時青雀舫相對白綸
巾頗詫為漁舊桃花好問津

久病作

一卧三鑽火扶攜厭此身驗來方漸少點罷藥堪貧萬
事須歸病千秋肯傍人傲春僵後木愁影釣餘鱗綠醅
判教負黃花也自顰久甘吾道左翻得物情真書癖仍
玄晏詩名豈照隣亦知多掩鏡攬罷易沾巾

傅司理母守節

握手無存沒遺孤自始終此生唯泣鵠不死為丸熊玉
貌先年毀冰心後日融天留素機月人誦栢舟風太史
詩垂采僊郎籍已通事歸彤管上名在紫泥中雋箸時

堪進潘輿樂未窮請看臣向傳能復幾人同

焦山作

勝地幽能闊奇探倦轉豪一丸分鐵甕雙柱是金鰲潮
壓樓臺小雲含薜荔高中峰帶海色半壁漱春濤僧飯
齋時得鄉愁醉裏拋欲尋焦處士今古只蓬蒿

其二

青山望不斷一一鳳凰飛駕海雙輪古襟天匹練肥魚
因聰梵出鶴為瘞銘歸客坐苔能席僧房薜白衣爭潮

漁鼓亂離岸寺鐘微餘興還能賈長歌送落暉

題琉璃河新橋

御水瀛州北新橋大鹵中橋橫三輔壯水壓九河雄的
厯瓊瑤砌蜿蜒霧雨籠神人為驅石車馬若排空洞偃
初虧月楣飛欲霽虹梵天從幻降玄圃或潛通鯨躍昆
池雨鳥驚銀浦風霜蹄催鑿落霞舫破沖澍真作布金
地如窺獻寶宮今來題柱客應小乘輿功

贈疊石戈生

君家何處住家住虎丘東荔薜門初闢芙蓉服自工移
山一拳小鞭石五湖空陵陸須臾事烟霞指顧中我仍
輸老圃而豈後愚公欲覓支機供銀河倘許通

故關

四塞河山險中通一線行雄關蔽全趙疊嶂拱神京尺
地分寒暑中天各晦明秋英開繡壁夕照吐金城屋似
浮空置田疑傍漢耕雲根穿作竇石髓借為粳樹雜旌
旗擁峯陪劒戟迎符從襄子計陣擬率然名廣武堪稱

客成安未曉兵古來興廢事太半誤儒生

贈魏生十四韻吾邇來未嘗作此許人語也其母負我

秀氣鍾全魏名家自信陵風期一代出眉宇九秋澄龍
產看為驥鯤游化是鵬霜蹄寬小蹶月窟勇先登法取
夔州細才從大厯增五言融擺脫隻字闢驍騰不作依
劉表誰堪御李膺天雄驅建節雲卧奪中興得汝愁真
破歸與老自矜句淘漳水濁談削太行層白雪無前後

朱顏有愛憎流年姑袒褐要路阻擔簦骨在金終許脛
傷玉可憑還將代興意對酒頌如渾

題寄殷無美掩關

桃李飛欲盡衡荆猶寂如無勞長者轍自有古人書
白眼酬交少清尊問字虛禽情寬漸狎草色傲能舒業已
潛夫就終難求仲疎還將一鳴意從爾扣三餘

九里松

未叩三天竺先過九里松青蔥表河潤

九里

天矯失秦封

雲結諸天座風和萬壑鐘翔空尾鸞鳳坼地甲虬龍花
滿餘杭釀

王方平事

脂充石室供

甯封事

唯輸道傍客行止一

蓁筇

靈隱寺

步屨徑垂盡招提天忽開山驅丹鷲下泉捲白龍迴石
氣清僧席藤陰裊佛臺鐵衣雙大士

謂徐駱也

金粟萬如來

桂子寺愧題名隱詩憐異代才游人日何限無地着蒼苔

贈呂光祿

少小事結束薄游傾五陵飄然杖屨去不愛帛書徵人
擬白衣相自稱黔鬢僧雄心付磨滅幽思削憑陵汗馬
乾坤小雕蟲歲月增妙能探衆有窮始向真乘踏盡空
山錫誰堪續日燈相逢但指口吾意慕孫登

富陽至桐廬道中

揚舠溯沅上秋色競紛紛翠荇波仍繡丹楓壁自文路
疑千嶺盡山為一江分夕照高低出灘聲遠近聞薜衣
過木客椒酒問桐君欲叩幽棲意峰峰多白雲

大中丞潘公自吳興扁舟見訪醉我小祇園各抒
遜況得十韻以謝

薄宦容休沐幽棲得故人蓬今開仲蔚花似識安仁餉
我烏程酒魚之千里蓴片言心轉合一醉俸堪貧兒掌
驕增色

公所贈也

梟盧捷有神態知顏玉好交入斷金親共

愛浮家易仍誇澤國鄰風塵生塞兌歲月老知津予忝
分麾舊公仍啟事新爭為五湖長此拜定誰真

過沁州一舍大風雨即事

峭崿撐天漏妖雲蔽日翔千山俱鼎沸萬樹各鷗張迸
雨排銀鏃飛湍挂玉梁左擔愁絕澗西顧失連岡濕束
人偏小愁催路轉長行行畏魚腹步步怯羊腸自哂隨
車謬翻疑叱馭狂安危此身在大地有康莊

黃中貴園亭小燕

筋骨秋來倦郇厨可一過青山屋裏岫曲沼鏡中波

黃於

室中創
山水

院洗消人馬籠肥內史鷺酒憑官法貴肴按食

經多修事羊渾脫煎腸鹿落河兔園才競秀金谷令從

苛更進婆娑舞新翻敕勒歌莫輕錢積破帶馬贈和哥

時大出
纏頭

哭李于鱗一百二十韻

厯下無真氣詞林失大賢那能詛岱嶽誰與問高天才
去垂三斗悲來遍八埏人應疑頓挫帝或悔陶甄念爾
千夫俊生操萬古權仁禽產丹穴僊驥秣青田妙取星
弧發清驚月脇穿鉤深百丈餌搏捷九秋鷗文許先奈
上詩卑正始還五言珠錯落一字玉規圓思逸龍雲表

神超象帝先殷盤高詰曲周雅美便嬛獨表齊風大俱
疑汲冢前崢嶸露頭角擺脫謝蹄筌海濶珊瑚老雲深
石髓堅錦裁還蜀郡壁就必于闐統筆江生蓋芬裾屈
氏荃乍窺饒駭異精識解鎖研有眼看從白為郎意尚
玄志長輕獲落才大得屯邅不欲過千石憑他滿百愆
傲時誇襮被貧肯較偷氈縱倒中郎屐能辭太尉殘交
游盡緋紫歲月耗丹鉛路鬼挪揄去腰符累若懸扶風
京尹亞襄國輔城專推案姦爭吐操斤劇自剗買牛因

解劒飲馬亦留錢
治理間丞相徵書下
賴川手堪為木鐸
腹曉別栢棧漢殿勞
將作秦山募梓梗法
冠魏揭宿藻鏡迴臨
邊衿傍函關擁帷從
太室褰驪瓜真結實
華井獨褰蓮宛駿收
垂畢冥鴻興杳然叱
迴邛坂馭歸作剡溪
船避客同干木逃封
似魯連華門寬偃蹇
蓬鬢詘周旋自撫高
山操人收白雪篇披
雲凌巖嶽乘月弄潺
湲雷澤深堪釣謹陰
近可佃居疑潛洞穴
出競指神僊芝朮鋤
端有芙蓉木末褰探
真採離坎觀道得坤
乾懸

欽定四庫全書



金州四書系
卷三十二

十四

圃壺開境崑崙雪滿巔縱饒家累迫斷不世途牽過客
寧歌鳳門生乃獻鱣中興逢鼎革聖主下旌旃省鶴初
欣入臺烏再賀遷錦開梁左席花覆越來舡煦沫沾江
表澄清劃澗瀦九苞騰見瑞萬蟻率歸羶暴斧猶拈手
潘輿未息肩冰霜挫慈烏天地幻啼鵲髮短窺吳練腸
迴斷邱紵壞梁通寤寐辟穀悞真詮始作步兵慟長旣
北海眠春秋麟獲日庚子鵬來年營魄三尸妬膏肓二
豎跽本因支骨毀翻訝捧心妍

以心痛卒

玉樹埋將迫金莖

病不痊慰書煩孝緒却藥少醫扁撫舊人人戀傷心事
事捐魂辭宋玉去藁托所忠傳伏櫪駒差壯歌盆鵲早
暝夜臺依聖善秋閣鎖嬋娟不及分香履猶聞墜寶鈿
有情推入夢無累割歸緣日月長何補風雲快自便朗
融歸靈寢混沌脫雕鐫佩惜干將化棺堪塵尾填蒼皇
鮑山色冷落嵒湖烟馬鬣封猶壯魚燈閣詎難疊疊墳
四五矗矗劔三千宰木俄圍拱佳城易鬱芊埋光騰斗
柄含氣吐蜿蜒本自成夸父猶疑侶倥傯訃靈秋照黯

妖字歲星躔直是魑將魍寧分蟻與鳶舊游俱短氣何

事不堪憐思入張衡苦

二甫

悲將吳質纏

明卿

殷侯

正甫

呼咄

咄許掾

殿卿

涕漣漣七子孤徐幹

子與

生平一仲宣衷腸須

繞晉烈魄肯投滇忽報驚難定徐徵或有焉聽來杯酒

墮語罷帶圍腰

減損也

恍忽時謔語忤營晚索尊那知寸

草折翻斷百愁煎蹤跡堪驚虎幽憂更怯弦羸軀困蘊

軸跛足類拘攣滿掬揮鮫淚輕裘漬酒綿暫馮青鳥達

莫怪素車延欲哭仍枯眼將歌已塞咽悠悠思往歲媿

媿訴重泉茅本曾名蕙蘂今反惜蛭欲知吾變魯總為
昔游燕刪筆推丁廩忘形到鄭虔雄雖咲黃鵠哀不廢
鳴蟬竊喜陪膺乘猶甘讓祖鞭尊分御露美管奪彩霞
鮮左癖編三絕輸攻下九淵縱衡儒後俠跌宕酒中禪
不受尚書命橫翻開府筵中清籌罷漏赴懶影過磚風
格留揚抗波瀾借沂沿商空爭矯健大鹵放騰騫身任
呼癡物官初並冗員跡甘龍蠖近名忝鴈鴻聯慰別勤
加飯分貲與橐餗調歸形影合交入肺肝偏霓罕招難

轉義輪去更遶代興愚敢仕後死恨逾繇痛欲隨蘭槁
狂今愧瓦全浮生長寂寂怒目縱眈眈百六貽多口尋
常飽老拳弔形添慘澹無計覓連翩牛耳誠貪執鷄尸
敢放顛蕭條五子詠乖隔二鳴編欲勒太丘石親題京
兆阡詞場空滿目誰定筆如椽

為顧草夫尚寶題露香園八韻

吳下風流地重聞顧辟疆一丘官自拙三徑意難荒杖
底千秋出壺中萬象藏構分蒼鹿柴穿得白鷗鄉竹露

寫清韻荷颺來暗香破雲施短屐過雨進輕航雞舌忘
為吏金莖不願嘗可容王子敬門外路胡床

張仲立移居

汝意在窮巷生涯誦卜居庚桑新畏壘苦竹舊張廬孝
友元無間蓬蒿了不除地今仁里美池是讓泉餘宛爾
雙桐並蕭然五柳疎移家無擔石立壁有圖書不改看
山戶初迷問字車東林夜來月強半為君舒

吾婁江東西二潮俱會於學宮之傍邑侯徐先生

居焉因自號曰會川而尤子求為之圖

東西兩潮水各向一川平不作溜澠異還疑穀洛爭雙
龍驕欲鬪萬馬怒俱鳴落似并刀剪來添泮壁明波臣
車轂擊越女棹謳迎舟楫才將老烟波計已成穴堪丹
鯉出天借白鷗盟清泌衡門下棲遲寄此生

陳子道易向客徐相公所以忤陸都督出游謁余
營丘有舍館之契今年夏初復訪海上留少時雖
才氣不衰而髮種種矣賦此惜之且以贈別

昔作平津客能侵臨汝侯片言不稱意匹馬遂西游所
至多蓬累居然一蒯緱賣文安損價貫酒迫驅愁命信
天公活身從地主收訪余歸茂苑每語必營丘聊俸雖
云薄融尊可暫留青迴斯世眼白對故人頭縞帶鄉元
賤緋袍暑不求有珠堪照乘為汝夜中投

輓觀察俞丈汝成八韻

宦蹟乾坤滿歸棕日月偏罷談雲夢獵

公歸自楚臬

懽擁雪

兒眠聲酒雄心好園林勝事專刪詩備九代為樂及當

年月樹傳清響風花雜委鈿庚申尸入諧單閑鵬來旋
佩黯金魚色箏迷銅雀烟西州門外客支策誦遺篇

謂瞿

也

贈劉君北還兼簡謝丈茂秦

汝師吾老友詩律向來寬事往綈袍易時平蒯缺難五
言摧落魄隻字問加餐遣使同端木逃名可段干蕭條
下客具顛倒豎儒冠莫話江南好人情試自看

游石公山東連雲障入劔樓

地是排雲上天從破澗通乍看雙劍豁不數五丁雄一
轉成開闢千尋接混融竦身爭鳥道側足瞰龍宮巖擁
高低石鯨噓斷續虹張空帝子樂疊浪大王風響答歌
增壯尊扶力未窮欲尋前相蹟明滅古苔中

過莫丈方伯園再過伯子雲卿園作

別分仁誨第自起辟疆園窈窕藏春癖縈紆選勝繁倒
池深柳色微雨逗禽言梓澤真堪號潘詩許再論地應
占宅相書可勝家尊者竹知無忤王郎好弟昆

送崑崙山人王叔承游楚

桃葉墮三湘風吹作酒香懷中雙玉笛把贈一王郎不
必誇鸚鵡唯須典鸕鷀衆嫌文士薄吾愛酒人狂遂鴈
回天柱登樓快武昌稍聞魚價賤莫使缺歌長

大中丞臨海王公以舉遠樓十六韻見示命和率
爾續貂殊忘醜陋不足辱楣棟間也

逼漢高開閣籌邊壯寫圖指南通海國走北餉天都星
欲重簷墮雲將列雉扶淮流遙控楚江勢下吞吳白馬

宣房頌玄熊大禹謨轉輸寬戍卒利涉盡漕艫匹練通
流細千帆挾霧粗龍腥春動海蚌吐夜明湖羽衛雲同
合教倉雪並鋪已聞遷計相仍借領兵符闔闢新名重
浮沈徃論徂策勲須第一有賞必稱殊事業能書鼎詩
篇可好竿偶然存舊社未肯忘迂儒貴豈雕蟲在寬容
尺鷁紓知公意拂拭矯首望長途

白光祿自晉陵枉駕海上感舊有贈

上客平津閣先朝建禮門時名五字貴國體片言尊
修

忽風雲變消搖歲月存乍堪鷄作口不並鶴乘軒詩即
香山社家為履道園清時人自失晚節事重論題鳳吾
何避登龍爾漸敦黃公酒壚伴強半欲招魂

采石謁太白祠

苔階擁立壁遺像挂蠨蛸誦爾天門句不風江自濤千
秋無正始一代見才豪三山雲作供姑孰水為醪霞明
銅棺日天墮宮錦袍那能不相待空自躡金鰲

京山李右伯師孟五鼓餞予觀音巖作

勝地停車得離筵載酒勤巖飛四時雨樹鎖一溪雲似
借軍持滴疑將梵唄聞草成瓔珞相石作貝多文催舞
雞三唱驚棲鵲數羣潮音喧寂改曙色去留分戀戀皈
慈氏沾沾御李君秋山如有意蒼翠轉氛氲

鄭君義方亭

二子鑒茂俱第

子真家谷口瓊樹已成行並秀池塘草俱為大國香雲
霄鴻序近日月鯉庭長舊里名通德新亭表義方一經
為世業雙壁奏天閭宅相誰能擬知從魏劇陽

封太常陳翁八十

珪組離塵格烟霞見貴人
繡盤鸛鵒舊金甌荔枝新鶴
骨何妨瘦霜毛已自鬢問年
方夢獵有子舊批鱗為戀
舞衣樂言辭補衮臣桃源如
度索琴水好垂綸歌妓青
油舫新篴白葛巾過從無約
束含鼓任天真一效莊生
頌看君比大椿

哭袁提學魯望十韻

名家稱父子誰似汝南袁
死繼修文職生同命契言結

据無素產跌宕有清尊白髮收經術朱幡仗主恩鏹埋
爭煥發識汗必騰奔海岱神猶王風雲變可論毀真銷
至骨招不返游魂舊客高陽少諸生稷下存一經遺魯壁

匹練傍吳門為報泉臺叟孤兒是愍孫

君晚始得一子僅七歲

新安汪將軍父嘗從戚都督平閩寇積功至三品
將軍有文武才棄諸生謁大司馬銓得父官以歸
賦此壯之

憶昨嘉隆際乾坤闕睿謨飛書購閩越挾筴走匈奴一

入樓船幕雙懸虎豹符
蒿萊國士見喬木世臣俱接武
人如玉敦詩將是儒
看君燕頤在投筆未應孤

過羊開府祠

但語羊公廟那能不黯然
殘碑無一字墮淚有千年敵
折從恩巧君明得讓偏吞
吳付身後薦杜及生前似展
袞江濶長增峴首妍
習池南去是也許世人傳

過習家池亭

山簡一時適習家
千古亭中原天擾擾刺史日冥冥白

恰人何在銅鞮客試聽池留歌眼碧峰壓酒痕青勝地
真堪醉清朝漸愛醒婆婆欲小住眠鷺起遙汀

鄖陽道中

蜀道難從昔鄖山不易哉分峨雲作成如灩雪成堆忽
瀕龍宮迫俄驚鳥道開旌旗從地湧鼓吹薄巖迴無虎
心時動非猿響亦哀脅肩峰峯聳嚙履浪喧咆麋子甘
從徙鄖公肯再來俱言叱馭好未有鑿空才

答曾翁

不待投簪後高名衆始知
里元春雪地官亦白雲司
清世無哀郢良辰有浴沂
斲輪餘老手推轂付佳兒
景愛扶藜慢甘從啜蔗遲
軍城正愁絕願解為新詩

淨樂宮

在均州所謂淨樂國也

神農昔撫世淨樂已名都
末法開金相真王得寶符
天從百戰順人役萬靈趨
羽衛齊宸極丹青出睿謨
神功隨現有至理入論無
莫泥羣真位遺編悞老儒

玉虛宮

即真武所拜玉虛師相名也

霞竄黃金界虹飛白玉橋帝居開顯赫天路入崑崙
網雲常掛松珠露不消步將塵世隔境許俗心調聖水
流仍暖僊衣靜自搖可知笙鶴度特底引王喬

遇雨投紫霄宮宿

千山入窈冥萬壑助泠泠鳥道春元合龍宮夜不扃
摩雲峰展纛擲火帝流鈴倦引投枝易寒驚灑面醒更衣
朝紫極添篆讀黃庭却憶明朝路峰峰洗更青

謁太和宮

一柱太和宮千巖元氣中芙蓉寒不謝僊掌近還空地
是鈎盤上橋從貫索通日輪團修火天樂斷罡風麋氏
為宗國幽方反寓公赤明無信史吾欲證崆峒

時問之
廣成子

也

六言律五首

自嘲

雕蟲一代誰貴倚馬千言自才璞在腊驚周市金多骨
立燕臺棲身何處三畝落魄生平一杯辦取青蠅吊客

毋煩鳩鳥為媒

邢州郡齋同于鱗分賦十二體得遺字

毋論躑躅三輔且共沈冥一卮為郎我甘牛後縱飲汝
亦鷗夷比鄰萬里長在片言千秋所遺抗手詰朝為別
太行白雲紛馳

贈味茶山人

華胥乍停午駕羲皇即在北牕山家穀雨初展石鼎松
風漸降此時月團兩片絕勝白壁一雙吸罷胸中何似

澄露秋滴空江

喜吳明卿遷叅政內地寄調之

十載卑地長沙猶自愁人齒牙春風一吹貴竹腰帶也
解生花誇他山鬼過嶺喜汝波臣到家唯是談經天外
何人為作侯芭

游武當山五龍宮


聽雨過青羊澗披雲出紫蓋峰曲曲蜿蜒複道層層歷
落怪松嵌巖幾點鞋鞢擁殿千朶芙蓉倦時但引三爵

睡法不輸五龍

六言排律一首

江南樂

亞字城西沽酒桃花塢頭放船春城處處啼鳥寒食家
家禁烟榜柁飄來羅帶幕離拋却珠鈿么童攝客施粉
姹女當鑪數錢隙日金鱗擁釣柔風玉鬣垂鞭五陵俠
客空老何似閭門少年



弇州四部稿卷三十二

欽定四庫全書

集部

弇州四部稿卷三十三

詳校官侍讀學士_臣陸伯焜

中書_臣劉源溥覆勘

總校官原任中允_臣王燕緒

校對官檢討_臣虞應

謄錄監生_臣魏廷勲

欽定四庫全書

弇州四部稿卷三十三

明 王世貞 撰

詩部

七言律九十五首

憶昔三首

憶昔文皇三出邊
六龍飛雨淨烽烟
天門直向陰山闕
北斗翻從南極懸
鐵馬春饑填瀚海
金人秋祭失祁連

只今何處無廉李野哭荒村幾歲年

其二

盛世君臣不易逢
秦陵松柏感遺踪
朝清轉自饒封事
歲稔兼聞罷上供
白簡五侯時跼蹐
青編三老日從容
苑西今日千門地
輦路恩稀草色濃

其三

更憶南巡漢武皇
樓船車馬鬱相望
輕裘鄴杜張公子
挾瑟邯鄲呂氏倡
秋淨旌旗營細柳
夜深烽火獵長楊

孤臣尚有遺弓淚不見當時折檻郎

應試夜泊貞女廟示一二友

南來夜泊貞女廟有客一二時相通孤蓬倚樹鳥驚宿
白露濕衣人在空遙憐故鄉共明月獨有游子知寒風
何事長安渾不見無數浮雲北望中

其二

貞女廟頭鼓鼙鼙忽驚游客歸夢中扁舟一葉天上下
茅屋數間水西東傷心南國釣鱸地矯首上林征鴈風

莫怪殷勤惜杯酒試問愁城誰為攻

賞石榴花有感

客邸高眠只無賴忽見花發強開筵錦窠銀子尚未結
赤萼青枝虛可憐東風不吹春老矣零露初滴朝嫣然
何年安石送汝至不種朝元高閣邊

登西山

亂削芙蓉碧靄攢千盤轉盡自成寒清秋殿閣空中見
落日旌旗樹杪看北眺浮雲生大鹵東迴紫氣抱長安

向來弓劍曾游地萬壑松風度急湍

元日早朝

九霄魚鑰下層闕炬火俄分豹尾班宮闕香浮吹淡蕩
液池水合鎖潺湲充儀未展含元殿獻壽遙傳萬歲山
敢道去天身尺五侍臣猶自望龍顏

夏日同僚友游崔都尉山莊分韻

尺五高臨杜曲天况逢三伏勝游偏夾堤楊柳涼全得
出水芙蓉曉故鮮南國烟波開檻外西山風雨落尊前

誰家暗度秦臺引回首朱門月可憐

天寧寺同謝山人茂秦章行人景南李比部于鱗
餞李伯承明府分韻得花字

長安三月芳意賒習習柔風黃鳥斜春社虎溪能遠送
暮雲鳬鳥未堪遮城闌倦借支公馬江路吟逢潘令花
去住即看同幻跡向來離合不須嗟

送汝康柳州再徙潯江

汝游桂嶺疑天盡更入滇方覺地寬明月江帆懸萬里

瘴雲山樹鬱千盤，莫將詩句題蠻府。自有威儀識漢官，
橘柚秋風今實否。高飛鴻鴈滿長安。

送陳子魚遷水部治通州河

親捧除書出未央，薊門秋色滿奚囊。亦有故人山吏

部

張選曹君同年也

居然新例水曹郎，河流雨挾千艘上關輔。

雲連萬雉翔為道，陽春誰和者于今。粉署少輝光。

寄陳子魚提學

寒食江風黃鳥斜，故人蓬髮各天涯。巴中父老相如論。

峽裏星河博望槎
劒閣夢懸千里月
錦城人醉四時花
獨憐方朔長安米
西望經年尺素賒

送潘青州之信陽兵備

使者黃金出漢京
共看潘岳賦西征
淄青劒履花間發
淮蔡旌旗雪後迎
自昔單車消衆壘
于今千騎擁連城
中朝文武如君少
莫使人傳治郡名

送葉子漢赴成都令葉頗能詩

明時經術異雙華
西去啼猿萬里賒
此際巴人無訟芋

向來僊令只栽花挂帆峽裏逢春雪濯錦沙邊弄晚霞
一自文翁能教授至今揚馬擅名家

書庚戌秋事

傳聞邊馬塞回中候火甘泉極望同風雨雕戈秋入塞

宣大兵
入援

雲霄玉几畫還宮

上自西苑
還大內

書生自抱終軍憤

國士誰譏魏絳功北望蒼然天一色漢家高碣倚寒空

其二

匈奴萬騎縱西山天險誰當百二關今日安危任邊將

異時恩澤滿朝班
烏邊白骨那能辨
馬首紅粧若個還
冗散書生空哽咽
捷書誰為破愁顏

其三

漢朝宮樹自蒼蒼
萬馬風生紫塞長
是處烽烟欺太白
幾家關月恨流黃
千金劒客辭軍壘
三殿兵符下塞皇
解道雲中飛將在
露書何以慰明光

大同仇帥入援

其四

長陵松柏氣成龍
極望蒼然揔漢封
槃木西來是符拔

扶桑東盡見艤艫旌旗夜攝千烽偃玉帛春看萬國從
七萃貔貅今不乏坐教敵騎出居庸

過鞏華城

今皇御蹕曾經此雉堞龍蟠控上都佳氣迥從陵樹發
白雲迴望漢宮鋪千金徙俠東填塞三輔弛刑北備胡
涕淚棘門諸將士城頭月出有啼烏

時有兵戍焉

送張比部募兵山西

九月連烽愁太陰徵兵六傳漢臣臨軍中蕩子隨都尉

塞上孤兒備羽林豹帳雲鈴揮白羽虎符星檄散黃金
自來三晉多豪傑投筆知君萬里心

送孫郎中守承天

五馬憑陵紫氣中方城南冠楚天雄成周百葉稱江漢
先帝千秋憶沛豐將為股肱仍見召即論湯沐竟誰同
蘭臺宋玉毋煩對父老時時歌大風

其二

漢江西望接荆門紫馬春看孫使君今日帝鄉私雨露

向時龍跡護風雲橋門玉砌鑾輿下中貴銀璫御座分
何事南陽不可問古來強項幾人聞

冬夕諸君見過談及江南梅花因有作次焉

臘日諸賢何水部草堂時過數烹茶西山樹老惟看雪
南國梅驕已著花玉笛美人吹不盡瑤臺僊侶夢還賒
疇能一醉羅浮約扶杖行吟江月斜

送申職方左遷萊州推官

向來緇几在明光誰借前籌計朔方黃石一編天子傳

青雲尺檄尚書郎功名絳灌無同列馳騁淄澠豈異鄉
東望不須疑蜃氣橐中長缺九秋霜

送瞿師道太史使大梁周府

長安草色上鳴珂繁吹春調四牡歌太史授圭開赤社
宗藩如帶指黃河天邊漢節蛟龍擾雪後梁園鴻雁多
上客知君頻授簡鄒枚詞賦未應過

送亢子益太史使饒州淮府

彭蠡波濤霽雪餘僊槎春度錦帆舒淮王上客能詞賦

漢使甘泉奉璽書伯父爾宜仍胙土東南今復盛簪裾
經行倘上康山望高帝雄圖在石渠

送胡子文太史使荊州遼府

江漢諸姬近帝鄉方城紫氣鬱相望寧因剪葉勞周史
不為包茅問楚疆作賦雄風連七澤行舟積雪滿三湘
上林簪筆應相待留滯何須念子長

送朱象玄太史使武昌楚府

詔從冠冕際南天君去湖波正淼然此日包茅供歲朔

異時瓊樹悵風烟張筵樂奏魚龍曲對客文成鸚鵡篇
歸郡前驅逢負弩青雲初過陸機年

送張益甫給事使懷慶鄭府

覃懷名勝肅風烟僊使輶車春草前山抱虎宇看作礪
樹蟠狐嶺若從天歌風不獨思商俗為命今應繼鄭賢
歸道霜驅應便發建章宵几正籌邊

送毛檢討起貶雲南幕僚

得鷄字

庚戌秋變檢討以言事得召對其謫也頗因之

乾坤慘淡干戈裏封事終軍拭淚題苑道夜乘中貴馬
關頭朝聽逐臣鷄盤江瘴暖桐花發黔嶺雲深鵲鳩迷
魑魅如逢休代答賜環應有漢宮泥

寄李新喻伯承

近傳陶令詩仍作父老懸蒲並息機山色巧當公府坐
瀑聲晴向捲簾飛憑將鴈字論南北說着蛾眉易是非
燕市酣歌殘雪裏江城或已授春衣

送馮郎中守廣州

承明初厭漢臣班開府霜清瘴裏山炎荒齒革銜臚集
橫海旌旗列戍間天闊羊城秋鴈少月明鮫浦夜珠還
試問貪泉誰更酌不妨駐馬漱潺湲

奉謁長陵敬志鄙感

長陵松柏似龍蟠象緯高垂列漢官萬里乾坤留劍舄
百年豐鎬見衣冠只今南粵虛傳譯聞道西羌未解鞍
文帝威靈終在眼秋風霜露不勝寒

月夜宿弘慈寺聽講

夜堂趺坐轉三車倦向僧厨乞施茶露淨珠光翻貝葉
月寒金色湧蓮花憑看有相吾何染聽說無生路未賒
莫謂常明須震旦金篦已許導恒沙

寒日游天寧寺

衝寒此日城西寺酌茗看山興未涯塔外風傳羣帝樂
林間雪是講壇花間鐘客散催疲馬施食僧歸起倦鴉
襆被祇應忘說去夜深還聽演三車

送黃侍御按雲南時方有用師之警

客有乘驄白玉羈從天六傳下諸夷昆池水習三千艦
益部霜驅五月師飛檄春農歸耒耜停車夜壘散旌旗
甘泉寶已垂南顧尺羽能令奏計遲

送包大中之滄州運鹽幕

杯酒河梁朔思嚴太行飛雪擁高幃市中結客誰青眼
幕下為郎舊紫髯醉墨誤題雲母扇雕盤初薦水晶鹽

知君故有籌邊策三府何年辟孝廉

包善書畫

送陸伯子還吳

中原文字半蒿萊入洛人傳伯仲才白髮向催猶著賦
黃金揮罷獨登臺愁時天地銜杯盡病後烟霞拂袖來
試聽商聲綠畫角蘋花一夜滿江隈

答汝思郎中蜀中書

蜀鴈書裁隔歲看為言相憶勸加餐秋登劒閣天逾峻
春至幽州日尚寒末路逢人投壁少中年結客斷金難
射洪花底誰堪醉西望行吟思未闌

春夜即席分贈得梁公實拈韻詩字

十年嶺海著沈思
今見為郎執戟時
白日看鴻還坐嘯
青天捫虱對談詩
世途汝已關心少
國士吾真折節遲
一醉虛堂春月色
投珠或恐未堪疑

與于鱗諸子即席分賦得懷太湖陰字

貝區南浸女牛臨
萬頃滄波千尺深
雨霽虹橋秋灩灩
天低麗窟晝陰陰
吳王列宴烏棲曲
越女明粧鼓枻吟
客醉向誇湖上樂
一從金馬便浮沈

送坐主王檢討先生之南司成四首

詔分僊履下蓬萊
詞客俱稱建業才
天闊星文秋劍動
江寒月色夜珠來
百年高議歸孤筆
六代雄風滿鳳臺
聖世只今誰似者
甘泉實恐問鄒枚

其二

帝城春思入蘼蕪
僊禁衣冠擁客途
十載青藜懸秘閣
諸生絳帳滿留都
風迴采石濤聲壯
日上鍾山海色孤
為問羣公居守事
向來根本一愁無

其三

戎衣高帝定神州卜洛橋門見冕旒三老鳩筇分御席
諸儒虎帳進經筵宮袍手賜霞同爛天語親傳日並流
太學明師今不忝白雲弓劍孝陵秋

其四

青春賦就侍承明花底鵷鴻醉玉笙夜靜紫微催草詔
秋高太白坐論兵閣中丞相曾投履海內文章共識名
南去玄經堪比易獨憐京邑滯侯生

寄許邦才

許君國士也雅予相慕未接顏色忽投械見遺
頗極輸寫賦此聊見耿耿耳

南北聲名祇共憐乾坤容髮尚茫然出為小草官仍拙
歸去長楊賦更傳春至雲青華不注秋來雨白汶陽田
飄零古劒真誰識遙夜寒光向斗邊

呈司寇山陰何公

天下名家有鳳毛中朝國士贈虔刀青齊什二飛書下
淮海千帆轉餉勞相事衮衣還日月主恩舟楫遠風濤

何煩更藉王生語廷尉賢聲久漢曹

送徐僉事理閩中屯政

朔方諸將出祁連宇內軍儲異往年誰念屯田虛粵嶺
即勤搜粟下閩天行車秔稻排雲集開府旌旗截海懸
豈是故人長待詔薄游還愧水衡錢

和梁公實暮春感懷

長安春盡萬花稀拍馬愁隨俠少歸時裏香烟晴不斷
回中雪色晝長飛時危歲月無行止勢定風塵有是非

吾道僅堪存執戟故人今擬薜蘿衣

韋園同于鱗子與予相各賦

千樹飛花覆客杯百年晴日此池臺
鉤簾蛺蝶攜香去浴渚鳬鷺散錦來
醉後看人成偃蹇歸時促騎故徘徊
長安北望黃塵裏擊劍高歌未乏才

其二

歷歷垂楊青幾圍娟娟宿鷺白雙飛
坐驚遠岫停杯出行惜殘花挿帽歸
四海未妨吾輩在孤亭僅與世人違

誰為忽唱江南樂回首烟霞未拂衣

其三

薊苑春歸處處幽陸沈吾黨任遨遊長楸碧帶千峰雨
密荇青藏百道流西望風雲雙鳳闕北來天地一漁舟
科頭箕踞尋常事細酌高吟且未休

送嚴太史請急省侍

罷直晴烟散曉珂君王侍從賜衣多高堂喜極千金壽
故苑恩深六傳過到日夏雲明震澤來時朔雪滿滹沱

栢梁何限詞臣手歸蜀長卿待和歌

過通州城庚戌秋大敵北入家君力禦却之因增
築焉

日落盧龍秋色哀連城百雉此雄哉中原地劃烽烟近
北斗天迴王氣開淮海帆檣飛餉集期門金鼓射生來
向看睥睨曾戈甲今日誰論保障才

和合驛

十年塵暗薊門樓萬里風來漢使舟挂席晝移橫海日

鳴橈秋蕩大河流孤城奏角黃雲合遠戍逢砧白鴈愁
吾道豈應長躑躅乾坤此去有滄洲

台郡兵起有感

平生五嶽意相親圖裏天台指避秦豈謂乾坤歸戰鬪
遂令湖海入風塵時平不獨輕前輩難起初聞遣大臣
回首國恩環珮裏百年誰見請纓人

過徐詠懷古蹟

芒碭雲深千堞愁長城脉絕萬年籌英雄盡起無亡鹿

富貴歸來有沐猴大澤龍蛇春並闕中天日月晚雙流
寧知過沛親留飲屠販何人總徹侯

游吳江橋

吳江長橋天下稀七十二星烟霏霏橋上酒胡青帘肆
橋邊浣女白苧衣桃花水漲月初偃蓮葉雨晴虹欲飛
北客風塵初極目倚闌秋色澹忘歸

醉題書齋二首

束書斗酒安吾齋西風為掃當門柴即寒薜衣能護几

未貧苔錢欲上階一丁世自饒紫綬二酉吾敢勞青鞋
已無故人車馬跡賴有明月時投懷

其二

蹉跎顏駟不敢陳寂寂鄧禹行笑人酒龍千秋吐氣色
文豹萬里甘沈淪圖經山海紉為袖客館華陽樵作薪
大夫頭顱可知矣胡不歸把滄江綸

天津劉憲使汎舟夜酌

軍府嚴城闢向西帥厨清醕為誰攜中流鼓吹潮聲合

落日鼉鼉海色低絕塞羽書頻自警長安封事幾堪題
相逢慷慨俱揮淚徙倚星河夜欲迷

有感

卧覺應徐積漸稀起當喻志偶相依此曹往往皆膚立
我輩時時但肉飛調隔雲烟雙過眼事違天地一沾衣
名山儘可藏書在潦倒風塵未擬歸

春夕同于鱗子與訪公實時公實在告將歸嶺南
分韻聲字

春暮和烟滿鳳城茂陵詞客病金莖燈前古劍迴霜色
杯外殘花入雨聲盡許寸心傾國士即論千載失時名
越南燕北天何限濁酒狂歌意未平

送宋望之侍御按河東鹺

東馬誰臨禹甸看埋輪使者下長安天扶底柱黃河折
地轉神池白雪寒異日軍須鹽莢議當時諫草惠文冠
即看宵旰明光裏慷慨毋論直道難

送狄行人使蜀藩

隱隱寒星度永安
迢迢節使下金鑾
錦江新水迎船發
石棧浮雲騎馬看
桐葉舊餘周典禮
蠶叢最爭識漢衣
冠
壯游詞賦應歸汝
對酒毋歌蜀道難

周歲祀孝烈皇后陵朝辭有作

昨歲茲辰奉國艱
共驚霏雪點鵷班
六宮猶望迴僊馭
中禁爭傳慘聖顏
此際金鈿歸別島
早時玉盃閱南山
欲知天上淒涼景
日暮祠園松柏間

雪後朝天宮習儀

玄宮雪後淨芳埃環珮千門曙色來
僊仗不隨青帝改
瑤城疑逐化人開
龍鱗映日層層合
鳳翥驚風片片迴
聞道漢祠先奏瑞
豈應梁苑復論才

久旱微雨復霽

初熱乍減陰霏霏
喜劇便拚呼醉歸
千峰忽展雨脚瘦
雙耳暫停雷信稀
碧樹五陵愁氣色
紅塵九陌故翻飛
踈簾小簾渾何恨
遮莫田家秋事微

送陳二刑部出守彰德

自愛陳家好弟昆，李方才調更無倫。
舊看永藥能持法，新着金緋穩稱身。
鄴水樓臺橫繞晉，太行關樹遠浮秦。
登臨會有牽帷思，河上風流見古人。

齋日子相考功投詩見懷且擬郊游之約有答

齋居初坐日斜時，樹色餘霜春較遲。
豈謂持衡青鬢客，翛然更憶白雲司。
人間得句名甘晚，海內論文心自知。
君問垂鞭芳草意，五原車馬未堪追。

休沐偶成自嘲

都門柳稀寒食烟十日自枕春風眠喜咏烏鵲故相惱
怯飛梨花翻劇顛已多拮据長吏罵未敢造次承郎筵
詩篇積漸有滿卷可否東家充酒錢

其二

問汝刺促何所圖馬曹懶否能支吾北枝南鳥意殊左
長缺短歌秋轉孤欲呼愚公未白髮擬作醉士無青蚨
汝道挂冠亦易爾五見咸陽春草枯

凌汝成工部自南來見過小酌喜贈

三年祿食素心違忽漫相逢思欲飛
醖酒且謀今日醉
盤飧聊當故鄉歸
天昏紫塞連戎馬
日落黃河閃鐵衣
世事不堪頻向說
僊曹留省似君稀

同于鱗子與夜過子相

紛紛殘月照欹冠
酒醖狂催殊未闌
銀鑰夜馳街色動
玉繩秋散羽聲寒
乾坤句就輕為別
湖海談深欲廢官
調笑吾從方朔後
陸沈人豈歲星看

立秋夕與謝山人孫徐李吳四比部登宣武城樓

共得秋字

客有相過選勝游西山爽氣滿城頭尊前白破雙鴻臙
笛裏黃催一葉秋萬戶清砧新夜色六宮團扇故年愁
登高幸不逢搖落逃暑仍驚暑乍收

贈按察張使君鐸

君時佐征南之役上特召任以北邊事

南師幕府奏龍韜飛傳遙驚渡不毛日淨五溪迴組練
月明三輔泣弓刀軍前結客黃金盡城上看烽太白高

君去封留帷幄裏鳳池應許重揮毫

弘慈寺薄暮登藏經閣

雨霽祇林步屨新上方臺殿鬱嶙峋諸天入暝原無相
雙樹凌空不受塵清磬忽傳迷後旨慧燈誰引幻中身
微官宿障如堪脫長以齋心禮化人

分賦得六宮秋月怨拈韻得紈字

金井梧桐露未乾卧看斜月在雲端空懸秦帝江心鏡
祇並班姬掌上紈笙鶴自穿花底度璧蟾孤映淚痕殘

由來天闕霓裳冷不信人間有合歡

送汝成工部還留都

曳履方陪閭闔班勞歌更擬及秋還乾坤歲計安危裏
伯仲天涯去住間明月鴈聲連薊苑寒雲旌色滿鍾山
停舟借問鳴珂宅樽酒黃花未破顏

初抵京承子與攜汪魏二君夜過分韻得江字

此夕逢君倒玉缸千門月色迥臨窻隔年杯酒心猶壯
近眼篇章意未降北去鼓聲填瀚海南來旌甲滿滄江

欲論後會誰能數
愁殺寒鐘更幾撞

送史僉事兵備邠涇

史君大司馬道子
時方與敵開馬市

汝過崆峒劍色開
輕裘千騎擁登臺
旄頭夜向黃河出
汗血秋從西極來
置陣自傳司馬法
折衝真有卧龍才
只今燕代論攻守
沙海風生畫角哀

寄梁公實時病告南海

汝病矯矯不可馴
予游圉圉常依人
羅浮不盡古今色
大廈長先天地春
落日萬里各異態
明月三秋時一輪

已聞鳳歌失自料況乃鴻斷轉傷神

迴龍觀

玄都飛閣倚崇墉天子當年駐六龍岸柳春嬌宮女學
巖松秋憶大夫封烟花萬戶垂宸極雲物諸陵拱帝峰
處處離宮俱望幸不堪衰草入邊容

送蔡子木守衡州

少年為郡肅清修京洛相攜賦壯游一去蔡邕誰倒屣
可堪王粲獨登樓挿天衡嶽層層碧遶郭湘江細細流

莫向秋風悲日遠
長沙今得比中州

喜吳山人過訪村居

出塞吹笳馬上聽
薊原春草又凋零
相逢門巷淹今雨
垂老江湖混歲星
醉後放歌雙眼白
愁時拂袖萬山青
何當謝却人間累
五兩追攜下洞庭

寄吳舍人明卿

憶爾含香供奉班
書題臘日到江關
淝淝詩句雲霄裏
落落吾儕天地間
別思孤琴臨大澤
生涯雙屐滿青山

漢宮秋湛僊人掌沆瀣文園好自攀

送饒兵憲遷湖廣參政

牙旗金鼓殷如雷行省旋移楚甸開
大海秋濤公檄靜
湘江春雪錦帆來
寨帷地盡歸鴻色
搖筆人驚咏鷁才
臨發佩刀還解贈
知君名已動三台

寄子與

至後今年雪未勻江南梅柳劇含春
自緣衣食猶關世
僅有篇章肯向人
滄海漁竿容獨把
白雲華省更誰親

聞君日逐荆卿飲擊筑長歌漸隱淪

月夜陸秀才之裘吳山人擴見訪分韻得肴字

娟娟孤月起林端剝啄何人稚子歡幸有文章公輩在
向來車馬世途看雲容白破千家曉海氣青回萬井寒
醉裏踈狂吾故態莫將杯酒問衣冠

履善比部歸自嶺右賦此問之

聞君八月下牂牁銅柱天荒使者過桂嶺風來秋色早
盤江水合瘴烟多夷童夾道誇椰酒蠻女穿花出櫓歌

向識子雲奇字擅近來詞賦更如何

送詹簿家兄之南京

十載公車疏上遲始分鸞掖置留司鍾山月向鴻邊出
瓜步帆從樹杪移過省春雲停縱酒開簾秋色映彈碁
殷勤好就吳都賦江表如今問左思

送周憲副之雲南

主恩君已三持節益部聲名異日傳漢署共瞻驄馬使
夷荒今上白狼篇嚴旌畫指昆明日憲府秋開越嶲天

好見折衝尊俎上近來南北並風烟

寄皇甫子循別駕

十載寒星漢署孤一麾秋興滿江湖
堦前結草成書帶閣裏看山是畫圖
未論折腰羞從事曾因倒屣識潛夫
殷勤去鴈如相訪已逐高陽舊酒徒

答黃山人

少日曾聞叔度賢過逢窮巷更蕭然
揮毫秀自雲霞發袒褐名從海嶽懸
此道直論千載後微才肯任衆人前

酣歌意氣頻開眼冠蓋長安太可憐

弇州四部稿卷三十三

欽定四庫全書

弇州四部稿卷三十四

明 王世貞 撰

詩部

七言律九十四首

癸丑元日有感

薊苑聞鐘謁帝關
火城遙散五雲間
魚龍自集甘泉館
鷁鵠仍虛紫殿班
萬里瞻依空使節
十年朝請隔天顏

只今醉逐田翁社問爾曾攜醪酒還

寄侍郎朱公二律

公卿大理時某為之屬有國士之遇

楚天南望鹿門開急榜眠鷗總未猜大澤春雲懷璞卧
高江寒月弄珠迴風塵厚祿多慚色泉石清時有異才
豈為王生曾結襪漢庭爭問釋之來

其二

薊門車馬競斜暉投効何人早息機十載春陰留棘寺
九秋兵色避荷衣別來天地論心濶自昔雲霄握手稀

憑向武陵貽玉案芳波或恐漲漁磯

游虞山拂水巖

厲屐憑車思轉豪側身吟望鬢重搔
風巖晝激諸天雨陰壑寒生萬樹濤
行逐漁樵馴野計卧看江海入秋毫
維摩近有招提在蘇晉如今醉欲逃

其二

鬱盤蒼翠有千株絕頂肩輿興自扶
天闕陡崕如擁劒風迴飛瀑盡含珠
山僧偈向巢間發湖妓粧從鏡裏鋪

逢勝便思雲卧穩未須投暝問樵夫

張通政宇清周比部濟叔沈進士子善餞予崑山

有作

共攜尊酒上崔嵬婁水秋濤匹練迴萬井夕陽看自斂
九峰雲色坐頻來披襟嘯逐天風落倚醺狂驚河漢摧
握手將歸何所贈諸君應有大夫才

登金山

山秋木葉翠將收憇棹扶攜到上頭天柱中懸南北影

海門西拒古今流層雲錫響空王坐落月珠明帝女游
便欲休餐旬日住千帆風色使人愁

其二

青螺激灩水晶盤斗削風烟面面看地湧樓臺千蜃結
天迴波浪六鰲蟠山形自挾秋雲壯海色遙將曙日寒
恍忽龍宮吟嘯起何人玉笛倚欄干

師道太史兼直外制賦此寄之

十載揚雄賦已奇始來西掖拜恩時銅扉夜色宣麻早

閣道春陰視草遲，賜沐不言溫室樹。
裁篇空憶上林枝，山東父老須臾在。
漢詔還應下赤墀。

寄雲鵲抑之二給事

薊苑朝回朔思催，故人相見且銜杯。
持螯一醉星杓轉，並馬千門雪色來。
賜對寶前明主席，為郎虛有大夫才。
誰憐淮水兼天湧，望斷黃金舊築臺。

寄贈楊仲芳武選

當時爾拜尚書郎，天子宵衣問朔方。
一疏中興迴日月，

百年恩譴薄風霜宛城晝閉名王馬漢壁晨馳大將沐
突兀黃金秋色裏復看前箸借明光

維揚遇吳明卿舍人汎舟夜酌

簪筆晨辭出帝都相逢白雪滿長途當年別思堪今古
此夕狂歌更有無隋苑鵲聲翻禁柳邦溝月色破平蕪
酒闌忽憶山中客擊筑歡欵調轉孤

雨中同思伯明卿登蕪城閣

堤上高樓逼絳河蕪城秋色擁嵯峨天低雉堞牕中起

雨挾帆檣鏡裏過別後踟躕佳會少狂來跌宕衆人多
不堪西北憑闌望欲指浮雲一嘯歌

題子相芙蓉館

汝築玄亭倚釣磯磯邊菡萏劇芬馥窺簾箇箇紅粧出
驚榜雙雙翠羽飛明月波翻吳女曲西風涼入楚臣衣
石湖花發應無限遲晚兵戈畫鷁稀

其二

倚郭澄波香氣浮芙蓉花滿大堤頭雲間嶽墜僊人掌

海外風來太乙舟，近檻碧筒堪自醉。
誰家白苧起中流，接羅予亦能顛倒。
天末蘋霜動遠愁。

奉和郡丞任侯海上之作

天擁鯨鯢賈怒奔，地當牛女正妖氛。
千村燐發遙疑曉，疊島烽來上屬雲。
鼓角長橫吳郡邑，樓船益置漢將軍。
知公羽扇能揮敵，樽俎何人並策勛。

再贈任侯

天外帆檣截海來，只今誰是伏波才。
惟中借箸星頻轉，

鷓首鳴弓月乍開戰後修期裁露布名成褒德上雲臺
蒿萊盡起塞帷色詞客何須賦七哀

九日風阻鄭家口

野戍秋高鼓角哀蕭蕭木葉走黃埃橫驅濁浪蛟龍鬬
復掩深林虎豹來短髮霜風欺落帽異鄉天地畏登臺
祇應諸季茱萸酒妬殺黃花傍汝開

逢劉衛輝談守事甚苦遂作

斗酒相逢大道傍故人黃綬羨為郎塞帷夜踏朝歌月

負弩晨驅牧野霜逢迎罄折顏常赤棠牘支離鬢易蒼
予滯漢廷無所効敢同長孺薄淮揚

贈尹生

當年結客度居延一騎曾驚敵陳穿七首長寒燕市雨
旄頭不斷薊門烟青春射策當三殿黃石傳書定幾篇
自是嫖姚新領部單于秋祭莫臨邊

其二

入朝初着鷄鵲冠白馬雕弧夾道看久見中原傾劇孟

兼聞少府識任安枝頭楊葉飛星過匣裏蓮花映日寒
閒逐孤兒春草獵獨身西去斬樓蘭

寒夜同順甫過子與適子鱗書到

斗酒相過薊苑東高臺雪後問來鴻蒼茫客思看人盡
遼落書題握手同不獨聲名多抱恨即論刀筆幾稱雄
春看易水登車日誰為悲歌起大風

送吳韜之浙間

吳由運
帥遷

向來軍事早知名淮海雲帆指帝京燕卒盡饒都護餉

越人爭下伏波營

路博德也時有越寇警故云

晨趨幕府衣冠集秋

擁牙旌組練明況是征南能跨札幾人儒將有干城

送陳郎中汝忠督學山西

當時諫草動長安回首風塵行路難郎署祇憐青瑣隔
使車還擁絳帷看河汾雪淨諸生候并代風迴萬馬寒
知爾論文多暇日欲飛長檄下呼韓

秋日病中書懷

散帙高秋病骨清科頭聊復罷將迎眠過半壁絲絲影

坐數空林葉葉聲末路行藏難任性中年哀樂易關情
東鄰判負黃花約酒債朝來頗漸輕

寄索荊州文魚問周水部

肩昌

汝逐何遜沱江邊百花芳洲生紫烟春風露冕失千載
郢雪高歌橫一天平生酒徒衆所厭散入海宇名俱傳
倘問為郎楊執戟又隨車馬競新年

答茂秦

黃河春草白茫茫驛使封題粲幾行爭問劇辛來自趙

頗傳枚乘老游梁淮南客賦雲為樹漢署鴻歸月似霜
莫笑故人甘宦拙豈容卿秩臥長楊

送從子汝欽儀部齋壘書旌魯王

汶水風來錦席張春濤雪後淼茫茫梁園客躡三千履
漢詔侯齋十九章坐有談天來碣石游題飛電賦靈光
獨憐癡叔羈棲晚周易床頭業已荒

訪茂秦有感茂秦時與李順德有隙索書不得

上客梁園賦轉工相逢忽憶帝城東停杯句就乾坤別

回首人憐道路同每飯豈能忘鉅鹿尺書虛已問冥鴻
亦知彼地張陳跡悵望千秋灑淚中

送黃郎中守撫郡

仍辭漢闥剖符年露冕停輝散楚天推案濤聲靈谷雨
捲簾秋色五峰烟人稱內史惟康樂汝去徵書定潁川
一自西曹違玉樹誰能不誦暮雲篇

送劉子成兵備貴州

劉繇潮陽令入刑部郎改職方嘗以敵至守北

關又築外城

憶昨爽鳩初徙署，共誇才氣世無雙。
曾令萬馬迴長嘯，更築三城擬受降。
明月獨懸黔嶺節，白雲高擁洞庭艘。
誰為同舍題詩侶，愁對飛花倒玉缸。

其二

看君燕領必騰騫，百越諸夷總漢天。
此去兵符銅虎授，向來文字鱸魚傳。
山連貴竹星常少，地入盤江雨自偏。
聞道懸軍猶楚甸，兩階今是舞千年。

同諸君餞子成悵然有感蓋予以前歲是月使歸
杯酒當年倚玉鞍故人歌餞各萑蘭吳洲暮鬱青萍色
郢里春停白雪寒海內旌旗愁不斷道傍車馬態相看
何當符傳翻驅汝縱有雄心此際難

送王尚寶冊封徽藩

華省聲名接上台幾論天笑近臣開三王賜策曾親定
九殿頒符自捧來人似淮南多道術地鄰梁苑集英才
知君舊擅靈光賦席右無煩授簡催

送子與祀康陵

佳城葱鬱鎖楸梧
武帝神游定有無
金榜星辰千嶺逼
翠旗風雨萬靈趨
俱傳駿足留瑤海
亦有龍髯墮鼎湖
此日詞臣空灑淚
獻陵春望已模糊

暮春同茂秦子與順甫正叔游韋園分韻得村字
習習東風幽鳥翻
偶成春服試春原
高低綠槿斜分戶
遠近清流細遶村
地入漁樵身暫許
客逢湖海道偏尊
誰為一叩荆卿筑
醉裏悲歌動薊門

其二

韋曲三月陰綠繁
席帽胡床山寺門
螭首雲扶雙菡萏
龍鱗日繡孤松根
蒼鷹決翼暝烟破
白鷗掠魚春水渾
建章傳鑰聽轉迫
猶指梨花尋別村

寄汝康

時自柳州守
遷河東運

十年南北盡風埃
多難均輸始見推
總為陸沈饒宦跡
或應趨走後時才
河排禹岸天文動
雪擁荷鄉地利開
聞道柳州成晉問
幾時還附鴈書來

送徐給事歸省

薊苑離尊黃鳥飛
僊郎行思在庭闈
書來姑茂春雲遠
詔下承明夕宿稀
焚草尚傳三殿疏
看花應試五時衣
更憐青瑣銜恩侶
回首風塵有是非

送李侍御遷江西憲

時按山西還

曾飛片檄下呼韓
大漠風雲指掌看
攬轡秋高三晉色
掛帆天入九江寒
清朝尚鬱囊中草
祖道猶驚柱後冠
東望斗邊多戰氣
幾時書記向長安

送陳僉事視廣西學

春風萬里鬱林西，客有乘驄使者衣。
桂嶺雲生天欲盡，藤江霜落瘴全稀。
詩題粵館逢梅發，書就湘帆與鴈違。
左氏諸生今受易，看君絳帳已光輝。

得陳子兼楚中書寄

憶醉高陽舊酒樓，共傳驚坐有陳侯。
別來心事憑誰盡，亂後年光可更留。
明月高帆湘浦夜，白雲西省薊門秋。
丁寧數問南來翼，尺牘人間總愛收。

答子相

錦宇遙飛北極翰故人相聚惜彈冠天留一劍蕪城紫
月擁雙珠甌社寒客裏流年人自保里中高調俗相看
知君愛息扶搖力海內兵戈會面難

蔡子木憲使來自蜀與吳明卿偕會子與第分韻
清字

淡烟初月滿高城露掌秋溥御氣清蜀道客顏疑夢寐
薊門尊酒盡平生仍勞北海憐狂癖總為中郎愛論衡

塵尾不須頻奮擲吾儕元豈近時名

病甚懷于鱗却寄

蕭條殘日鎖青蘿寒入楓林夢乍迴
吾已河山甘付骨汝從天地更論才
途窮萬事輕相讓意盡千秋莽自哀
藥餌漸扶雙眼在未煩驚策素車來

職方張子畏募兵還詩問予病奉荅兼識鄙感

使者初停擁傳驅病夫長罷府中趨
天高羽檄歸何晚露渺金莖渴未蘇
南國戰驕齊擊技東方饑讓漢侏儒

孤吟更愛題詩訪強起猶驚策杖扶

懷子鱗

燕京歲晚競鳴珂
郢雪春來幾和歌
尚有乾坤容汝在
空留日月向人過
雲橫大麓低平野
天坼飛流墮濁河
滿目黃金饒漢吏
千秋屈宋自堪多

懷子與

秋風鼓棹大河濱
醉裏悲歌若有神
豈為聲名容跋扈
漸留心事向沈淪
霜明顧渚梅花發
潮滿施溪月色新

處處風光堪自媚
即論誰是眼中人

懷公實

漢關歌似伯鸞稀
五嶺霜天獨振衣
題竹醉憑簾輦去
斲苓晴倚短簑歸
人間大藥無今古
海上黃金有是非
為問別來何所道
知他戰勝久能肥

旅思

閭闔門前塵滿空
不堪烟樹落江東
高秋夢斷金莖露
永夜愁聞玉杵風
萬里沙頭誰釣艇
幾人天際共歸鴻

書空咄咄悲殷浩
蠻語鈎輈效郝隆

雨中

門前泥深沒馬腓
主人懶病長掩扉
屯雲遠岫暗歸眼
帶雨西風欺薄衣
牆柳依依嬌弄色
庭華灑灑怯餘暉
離騷置手不能讀
腸斷江南知是非

懷子相

淮海風烟阻釣緜
關河冰雪滯征輪
高齋病起探新歷
屈指春來有故人
海內望塵元未少
道傍聽曲竟誰真

十年何地同心語莫遣浮沈負此身

懷順甫

歲晏蕭條病髮疎春風回首歎離居
曾煩倒屣迎王粲敢有微名比魏舒
縱酒誰同燕市筑尋源或伴武陵漁
重來抱玉無多恨嶽色千秋起著書

懷伯承

翩翩佳句滿詞林別恨龍池芳草深
萬里風波垂失所十年岐路畏論心
題詩曉破天門色把釣春生雷澤陰

莫以時名相問訊
竭來金馬漸浮沈

歲暮答吳明卿

喧喧車騎滿長安
落落吾儕握手難
歲暮風光容汝共
天涯心事仗誰看
鴻邊雪淨西山曉
馬首雲生北海寒
自是陽春無和者
朱絃莫易向人彈

過明卿分韻歸字

獵獵西風吹客衣
空庭繫馬待斜暉
久拚高興緣君發
無那清尊與病違
海內聲名雙睥睨
郢中歌調一翻飛

何須稚子投車轄屈指交游未忍歸

贈鄭老還趙

握手悲歌薦濁醪別離人世幾吾曹行邊落日溱沔壯
醉裏談天碣石高千乘風雲仍白壁百年湖海自綈袍
茂陵詞賦空相待枚叔王門可重勞

春日試筆

今年正月晴明甚嬾嬾青門楊柳枝逗遛殘雪已無賴
偃蹇和烟故不遲莫遣春光欺旅病儘容風物媚吾詩

陌頭何限芳菲意馬首論心知是誰

明卿子相夜過

折簡憑過散寂寥漢宮華月綺春宵青雲坐向論心失
白雪歌容攘臂驕五子中原天未厭千秋吾道日相要
城鐘漸送棲鳥起冠蓋長安總自饒

喜許殿卿至

初聞五馬倦行春辭趙游燕逐酒人白壁邯鄲空偃蹇
黃金碣石自嶙峋風塵治郡功名薄海嶽論交意氣新

一為李生懸榻後放歌須汝破吾顰

答于鱗

伏枕悲吟夜未闌使君書到問加餐青春偃蹇新豐色
紫氣憑陵大陸寒自守扶風經術進數逢句踐酒人看
拂衣躍馬男兒事回首乾坤去住難

送劉庫部使雲中取道還楚省侍

海內聲名會自難俄聞擁傳出長安
軺車易水悲歌發
七首劉生意氣看代馬春驕青草色
楚天晴望白雲寒

只今前箸明光少莫向僊源問繇漫

贈張翁

翁少嘗師事呂先生子都諫君思靜遷蜀參政
歸壽

清朝詞客幾簪裾令子承思在石渠中歲看傳劉氏業
少年親受伏生書雲凝太華蓮花發露擢高盤御掌舒
但使秦天能戲綵無勞蜀道重迴車

送張孝豐

臨歧握手意如何
燕市尊前惜易過
別後故人明月共
相遺茂宰白雲多
江城早熟來菰米
卧閣春深繡薜蘿
聞道此中堪嘯咏
不妨源外有兵戈

送朱象玄之南司成二首

漢宮晨散履聲遲
江左文章太學師
御氣迴分龍虎宅
僊臺高憶鳳皇池
春雲列第烏衣滿
夜雨諸生絳帳窺
同舍總驚匡鼎至
說詩猶自解人頤

其二

聞君獨厭承明廬。起草誰堪自石渠。高坐舊看驚五鹿。
講堂新復兆三魚。牕前散帙鍾山色。署裏含香漢客裾。
應是兩都增氣象。班揚詞賦幾人如。

明卿子相過飲談數有感

不惜顏酡醉玉壺。狂來擊缶競烏烏。巴歛和雪心難下。
碣石談天思轉孤。入夜星辰元不沒。異時河嶽遞相扶。
西京七貴俱堪數。肯向唐生問有無。

哭舍姪汝欽儀部

翫罷衣冠遲日月
頡頏京邑走風烟
曼容汝官五百石
武子吾家三十年
鄉地祇憂戎馬在
使星猶傍女牛懸
如何握手成今古
岐路人間倍可憐

有感

伏枕風塵懶未除
側身天地氣難舒
兵戈漸緩菟裘計
將帥空傳馬服書
孤憤長年思五嶽
獨醒何日問三閭
冥冥鴻鵠搶榆少
飽翼搏空恣所如

病起偶成

野夫耽病春慵起日日高眠病不愁頗怪風光頻見役
即慚詩句未全酬穿花蛺蝶輸生事入荇鯨魚足壯游
白石青精吾自取不知何地有丹丘

贈王元肅參軍

陸沈金馬愛微官何事東方有客難老去形骸仍土木
向來趨走自衣冠名流北海開尊集爽氣西山拄笏看
戚里朱紱誰見問還將白雪向君彈

其二

水邊新築類禪居塵尾玄言頗湛如相示右軍修禊帖
未成中散絕交書馬曹了不關公事狗監何煩薦子虛
便欲圖君丘壑裏故園烽火更躊躇

故憲僉彭公嘗蒞秋省迺孫端朝更踐其地賦此
紀之

署裏曾傳玉樹高一麾湖海倦旌旄來華族稱鳩氏
爭道名家有鳳毛北斗春雲聽舊履白雲秋色滿僊曹
亦知元凱多卿裔為擬新詞比佩刀

送金允孚之河南藩幕

彈劔西游亦壯哉
幕中虛左待君來
紫薇開省前朝事
白首夷門異日才
隘地河流京索擁
接天秋色具茨迴
更知多為髯參喜
騎馬時登古吹臺

寄熊守元乘

向來尊俎失談兵
保障論功有重輕
別詔相遺橫海節
何人不畏伏波名
神鉦浪挾鯨鯢徙
飛檄霜驅虎豹驚
檣李欲酬鳴越甲
蒼梧今問獲嘉城

答陸汝陳

朝來請急壚頭眠安得尺書置我前中原未遮鴻鴈道
滄海故發龍蛇顛可憐國事寄肉食飲山人微酒錢
躍馬乘風去何限胡為盜賊俱殘年

寄秦魯望

異時樽酒足平生白眼俱誇無世情自別風塵河朔飲
誰歌雨雪薊門行論心客路空車馬屈指流年過甲兵
賦就河東應有達憐余早晚厭承明

王新甫參議由南粵入賀餞別張氏園有作

竭來萬里蒼梧使桂蠹明珠總未齋北極宵衣金鑑展
西園秋讌玉繩低相悲歲月淹詞賦一別乾坤入鼓鼙
循吏故應君獨擅野夫名姓豈堪齊

汝成由越臬入賀還治過訪乃兄雲鵲府丞

又驚飛傳出長安把酒毋歌行路難竹馬正趨羣稚約
簷帷特徹萬人看乍盤鵬鶚天風峻欲偃鯨鯢海色寒
難弟倘過京兆界賢兄已許惠文冠

秋思

旅病經時思轉慵
篝燈伏枕亂愁攻
天涯歲月終衰鳳
海內文章有似龍
結客千秋誰竟許
尋僊五嶽定難逢
唯餘尺寸尊鱸地
遙夜寒雲擁戰烽

送吳比部崧使淮揚

王子節迴桐栢雨
徐生帆揭廣陵濤
即論使事無千古
念汝詩名失二豪
天入斗牛雄劒動
地懸戎馬尺書勞
臨歧意氣為予飲
貫酒新豐宮錦袍

七夕張園遇雨與子相明卿肖甫德甫各賦

七月七日雷雨惡穿蘿坼磴沾人衣即妨河鼓祿難渡
欲挽僊槎高未歸海內風塵余轉拙人間岐路會仍稀
歌長酒醒不知曙驟有空林烏鵲飛

寄張通政

十年高枕寄松蘿天地風塵緩頰過吳下青山雙屐滿
雲中明月片帆多清秋殺氣迴長嘯遲暮生涯起浩歌
一自挂冠神武後薊門霜色有銅駝

送張侍御按應天

舊識埋輪都下亭
新看直指破青冥
金陵亦是先皇地
玉節仍分漢使星
朱桁路從飛馭闕
白門人爲避驄停
憑高倘有張衡思
兩賦應傳薊北聽

冬夜同莫膳部張戶曹蔡衡州謝山人過吳比部
分韻得重字

高城積雪禁烟重
駐馬勞君設夜供
江左文章爭唾玉
座中談笑盡雕龍
同心競結逢時帶
如意長驕醉後鋒

最是興來那可敗五更愁聽未央鐘

立春日詩呈王新甫先是新甫夢與予分韻得香

字

帝城佳氣近青陽臘月流澌出建章
郎第樓臺爭動色掖垣花樹暗迴香
妖姬自寫青繒幟公子親除擊鞠場
欲向陽春聽一曲故將幽夢屬僊郎

妻叔李六丈下第秋時始歸賦此為別因悵然也
高城落木奏寒砧醉後殷勤離思深
不去非關上林樹

將歸實有廣陵琴霜秋塞外兵戈色歲暮天涯兒女心
便欲聯飛時振羽因耽薄祿未投簪

答寄王提學新甫

寒帷花滿鬱林枝尺素春題鴈到遲山逼璇霄誇獨秀

山名江涵壁月號相思

江名

夷荒槃木唐蒙頌日暮蒼梧虞

帝祠比邑諸生多駿發祇應聯袂讀君辭

除夕示弟

寒燈煜煜不忍眠吾與汝曹俱長年汝當勤苦去宿態

吾尚淹留虛奉錢過眼白駒愁未挽離人黃鵠夢相牽
何時得見鬪飛後上苑椒花取次傳

初夏長日睡起

卯酒初消午睡勻悞他期會任教嗔偶綠隙日偷無事
已笑頻年擲此身霽雨黃鸝偏睨睨條風紅葉太精神
欲將春色閒商略春去衡門有隔旬

同省中諸君過徐丈

詞客真同河朔游主人偏解孟公留高城雨過涼生席

殘夜花明月滿樓紫玉行杯彈出塞紅牙催拍按伊州
更憐少日閭門侶菱葉芙蓉湖上舟

送顧水部監荊州稅

僊郎使節出燕臺直向荊門萬里開賈舶春隨巴雪下
塞鴻秋共嶽雲迴南州竹箭人稱美少府金錢日更催
便酌貪泉知不變期君還有濟川才

祈雪齋居次峻伯寅長韻

畫省森沈坐掩門齋心應自遠塵氛僊郎曲調裁春雪

武帝祠壇禮白雲天濶苑鐘空外度夜寒宮漏夢中分
栢梁何限豐年頌今日瓊瑤祇報君

孟冬晦日夜夢得句云天寒北極仍充使日落黃
河未穩流及後二語醒不復全記因足成之

馬叢頻年客帝州茂陵心折問刀頭天寒北極仍充使
日落黃河未穩流笛裏龍吟金井夜砧前寒度玉關秋
深閨幾恨青娥月燕領西來已拜侯



弇州四部稿卷三十四